

UniSZA kuasai dua acara dalam Karnival Sukan Pantai

KUALA TERENGGANU 4 Feb. - Universiti Sultan Zainal Abidin (UniSZA) menjuarai dua daripada empat acara yang dipertandingkan sempena Karnival Sukan Pantai Majlis Sukan Universiti Malaysia (Masum) 2013 di Pantai Air Tawar, Besut, di sini baru-baru ini.

Pengarah Pusat Sukan dan Rekreasi UniSZA, Riduan Mohamed Arof memberitahu, dalam program selama tiga hari itu, UniSZA menunjukkan penguasaannya dengan meraih pingat emas bagi acara bola sepak lelaki dan bola tampar lelaki.

Naib johan bola sepak pula di sandang oleh Universiti Teknologi Mara (UiTM) dan Universiti Ke bangsaan Malaysia (UKM) bagi bola tampar manakala Universiti Malaysia Terengganu (UTM) di tempat ketiga bola sepak dan Universiti Malaysia Sabah (UMS) bagi bola tampar lelaki.

Bagi acara sepak takraw lelaki, acara itu dikuasai oleh pasukan UiTM yang muncul sebagai johan dan naib johan manakala Universiti Teknologi Malaysia (UTM) di tempat ketiga sementara bagi bola jaring wanita pula dimenangi oleh

UTM, diikuti pasukan UiTM (kedua) dan Universiti Pendidikan Sultan Idris (UPSI) di tempat ketiga.

Bagi acara bola sepak wanita pula, johan disandang oleh UiTM manakala Universiti Malaya (UM) di tempat kedua sementara tempat pertama bagi bola tampar wanita disandang oleh UTM dan UiTM di tempat kedua.

"Hampir 460 peserta yang mewakili 15 buah institusi pengajian tinggi awam (IPTA) mengambil bahagian pada karnival kali ini," kata Riduan.



PEMAIN Universiti Teknologi Malaysia (kiri) cuba menghalang bola libasan pemain Universiti Sultan Zainal Abidin sempena Karnival Sukan Pantai Majlis Sukan Universiti Malaysia 2013 di Pantai Air Tawar, Besut, Kuala Terengganu, baru-baru ini. - BERNAMA

utusan Malaysia, 5/2/2014 (Rabu)